

ELEKTRON OFERTA

“Trastbank” xususiy aksiyadorlik bankining filiali (keyingi o‘rinlarda – Bank), bir tomondan, va Bank tomonidan muomalaga chiqarilgan “Mastercard” bank kartasining egasi bo‘lgan hamda quyida taklif qilinayotgan shartlarni to‘laligicha va so‘zsiz qabul qilishini elektron shaklda akseptlash orqali bildirgan jismoniy shaxs (keyingi o‘rinlarda – Omonatchi), ikkinchi tomondan, quyidagilar to‘g‘risida mazkur Elektron ofertani tuzdik.

1-§. Elektron oferta predmeti

1. Omonatchi Elektron ofertani akseptlagandan so‘ng, o‘zining “Mastercard” bank kartasining maxsus hisobvarag‘idagi pul mablag‘ini “TRUSTPAY” mobil ilovasi vositasida “Onlayn-innovatsiya” muddatli bank omonatiga (keyingi o‘rinlarda – oferta omonati) o‘tkazadi.

2. Bank Elektron ofertaga asosan Omonatchi tomonidan o‘tkazilgan pul mablag‘ini oferta omonatiga qabul qiladi, unga foiz hisoblaydi va muddati tugaganda uni qaytaradi hamda Omonatchining mazkur omonat hisobvarag‘ini masofadan turib boshqarishiga ruxsat beradi.

2-§. Oferta omonati shartlari

3. Oferta omonatining minimal miqdori 100 (bir yuz) AQSh dollari.

4. Oferta omonati birinchi badal kiritilgan kundan boshlab 24 oy muddatga qabul qilinadi.

5. Oferta omonatining foiz stavkasi yilda 365 kun hisobidan yillik 5 foiz.

6. Oferta omonatiga dastlabki 12 oy davomida har oyda bir marta qo‘shimcha badal kiritilishi mumkin. Qo‘shimcha badalning minimal miqdori: 100 (bir yuz) AQSh dollari.

7. Oferta omonati muddati davomida oferta omonatining bir qismini olish ko‘zda tutilgan. Bunda oferta omonatidagi mablag‘ qoldig‘i 1000 (bir ming) AQSh dollaridan kam bo‘lmasligi lozim.

8. Jalb qilingan oferta omonati bo‘yicha foiz stavkasi uning muddati tugagunga qadar o‘zgarmaydi.

9. Oferta omonati bo‘yicha foiz ushbu omonat Bankka qabul qilingan kunning keyingi sanasidan boshlab oferta omonatini Omonatchiga qaytariladigan kungacha hisoblanadi.

Omonatchining oferta omonati hisobvarag‘i xatlanganligi oqibatida Bank oferta omonatidagi pul mablag‘idan foydalana olmagan davr uchun foiz hisoblanmaydi..

10. Oferta omonati bo‘yicha hisoblangan foiz har oyda Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazib beriladi.

11. Omonatchi oferta omonatini muddati tugamasdan to‘liq qaytarib olmoqchi bo‘lsa, u bu haqda Bankni omonatni olishni mo‘ljallagan sanadan kamida bir oy oldin ogohlantiradi. Bunda Elektron ofertaning amal qilishi to‘xtatiladi, oferta omonati muddatidan oldin qaytariladi va oferta omonatiga hisoblangan foiz quyidagi shartlar asosida to‘liq turgan oy uchun to‘landi:

a) oferta omonati 6 oydan kam muddat davomida turgan bo‘lsa, hisoblangan foiz to‘lanmaydi;

b) oferta omonati 6 oydan 9 oygacha bo‘lgan muddat davomida turgan bo‘lsa, oferta omonatiga yillik 4 foizlik stavkada foiz hisoblanadi va to‘lanadi;

v) oferta omonati 9 oydan 12 oygacha bo‘lgan muddat davomida turgan bo‘lsa, oferta omonatiga yillik 4,5 foizlik stavkada foiz hisoblanadi va to‘lanadi;

g) oferta omonati 12 oydan 24 oygacha bo‘lgan muddat davomida turgan bo‘lsa, oferta omonatiga yillik 5 foizlik stavkada foiz hisoblanadi va to‘lanadi.

To‘liq bo‘lmagan oy davomida saqlangan oferta omonatiga hisoblangan foiz bekor qilinadi va to‘lanmaydi.

Oferta omonati muddati davomida to‘langan foizning ortiqcha qismi mavjud bo‘lsa, u ofera omonati mablag‘idan ushlab qolinadi.

12. Oferta omonatining muddati tugagandan so‘ng oferta omonatidagi mablag‘, uni Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazish orqali, Omonatchiga qaytariladi.

3-§. Tomonlarning huquq va majburiyatlari

13. Omonatchining huquqlari:

- a) ushbu Elektron ofertani akseptlash bo'yicha mustaqil qaror qabul qilish;
- b) mazkur Elektron oferta shartlari doirasida oferta omonatini mustaqil tasarruf etish va masofadan turib boshqarish.

14. Omonatchining majburiyatlari:

- a) ushbu Elektron oferta shartlari bilan tanishish;
- b) oferta omonati hisobvarag'i ochish uchun Bank tomonidan muomalaga chiqarilgan "Mastercard" bank kartasi egasi bo'lish;
- v) "Mastercard" bank kartasi maxsus hisobvarag'ida oferta omonati ochish uchun yetarli miqdorda pul mablag'iga ega bo'lish;
- g) "TRUSTPAY" mobil ilovasida oferta omonati hisobvarag'i ochish uchun zarur barcha amaliyotlarni ketma-ketlikda amalga oshirish;
- d) oferta omonati hisobvarag'idan amaliyotlarni amalga oshirish jarayonida "TRUSTPAY" mobil ilovasidagi uzilishlar yoki texnik nosozliklar haqida Bankka telefon orqali xabar berish;
- e) "TRUSTPAY" mobil ilovasiga kirish uchun berilgan login, parol va PIN kodni uchinchi shaxsga oshkor qilmaslik.

15. Bankning huquqlari:

- a) Omonatchining talabiga ko'ra oferta omonati muddati tugamasdan qaytarilganda, oferta omonati muddati davomida ortiqcha to'langan foiz bo'lsa, uni oferta omonati mablag'idan ushlab qolish;
- b) Omonatchining oferta omonati hisobvarag'i O'zbekiston Respublikasi qonun hujjatlarida belgilangan tartibda xatlanganda, ushbu hisobvara orqali chiqim amaliyotlarini bajarishni to'xtatish.

16. Bankning majburiyatlari:

- a) oferta omonati shartlarini Bankning rasmiy veb-saytiga kiritish;
- b) Elektron oferta Omonatchi tomonidan akseptlangandan so'ng oferta omonati mablag'ini kirim qilish hamda ushbu omonat bo'yicha operatsiyalarni qayd etib borish maqsadida Omonatchining nomiga avtomatik tarzda tegishli hisobvaraqlarni ochish;
- v) Elektron ofertada belgilangan shartlar asosida oferta omonatiga foiz hisoblash va uni har oyda Omonatchining talab qilib olinguncha saqlanadigan omonat hisobvarag'iga (20206840) avtomat tarzda o'tkazib berish;
- g) Omonatchi oferta omonatini muddati tugamasdan qaytarishni talab qilganda, oferta omonatini, ushbu Elektron ofertaning 11-bandiga muvofiq, muddatidan oldin qaytarib berish;
- d) oferta omonatining muddati tugagandan so'ng oferta omonatidagi mablag'ni Omonatchining talab qilib olinguncha saqlanadigan omonat hisobvarag'iga (20206840) avtomat tarzda o'tkazish orqali Omonatchiga qaytarish;
- e) oferta omonatiga oid bank sirini tashkil etuvchi ma'lumotlar sir saqlanishini ta'minlash;
- yo) Omonatchining oferta omonati hisobvarag'i bo'yicha amaliyotlar Bank tomonidan to'xtatib qo'yilganda, amaliyot to'xtatilgan sanadan boshlab keyingi ish kunidan kechiktirmagan holda Omonatchiga uning oferta omonati hisobvarag'iga xizmat ko'rsatish to'xtatilganligi va uning sababi yuzasidan xabarnoma yuborish;
- j) Omonatchining kredit va mikroqarz bo'yicha qarzдорligini so'ndirish uchun uning oferta omonati hisobvarag'idan mablag' Bank tomonidan Omonatchining topshirig'isiz hisobdan chiqarilganda, mablag' hisobdan chiqarilgan sanadan boshlab keyingi ish kunidan kechiktirmagan holda Omonatchiga uning oferta omonati hisobvarag'idan qancha miqdordagi mablag' qanday sababga asosan va kimning foydasiga chiqarilganligini ko'rsatgan holda xabarnoma yuborish.

5-§. Tomonlarning javobgarligi

- 17. Tomonlar mazkur Elektron oferta shartlarini bajarmaganligi uchun O'zbekiston

Respublikasi qonun hujjatlariga muvofiq javobgarlikka tortiladi.

6-§. Fors-major holatlar

18. Tomonlar fors-major holatlar amal qilgan davrda Elektron oferta bo'yicha o'z majburiyatlarining qisman yoki to'liq bajarilmaganligi uchun javob bermaydilar.

Fors-major holatlarga quyidagilar kiradi: tabiiy hodisalar (zilzila, ko'chki, dovul, qurg'oqchilik va sug'urta shartnomasida sanab o'tilmagan boshqa tabiiy hodisalar) yoki ijtimoiy-iqtisodiy vaziyatlar (harbiy harakatlar, ish tashlashlar, qamallar, davlat tashkilotlarining hamda davlat tashkilotlari o'rtasidagi cheklovchi va taqiqlovchi choralar, shuningdek Hukumat qarorlari va boshqalar) oqibatida kelib chiqqan favqulodda, joriy sharoitda bartaraf etib bo'lmaydigan va oldindan kutilmagan vaziyatlar, agar ushbu vaziyatlar Elektron ofertani bajarishga bevosita ta'sir ko'rsatgan bo'lsa.

Fors-major holatlar yuzaga kelganda va to'xtaganda tomonlar bir-birini xabardor qiladilar. Xabarnoma tomonlarda mavjud bo'lgan barcha aloqa vositalari orqali yuborilishi mumkin (SMS va MMS xabarlari bundan mustasno).

Fors-major holatlar yuzaga kelgan taqdirda majburiyatlarni bajarish muddatini tomonlar fors-major holatlar amal qilgan davrga mutanosib tarzda kechiktiradilar.

7-§. Boshqa shartlar

19. Omonatchi o'tkazgan pul mablag'i Bankdagi oferta omonati hisobvarag'iga naqd pulsiz ko'rinishida kelib tushgan kundan boshlab Elektron oferta tuzilgan hisoblanadi.

20. Mazkur Elektron oferta 16-bandining "yo" va "j" kichik bandlarida nazarda tutilgan xabarnomalar Omonatchiga uning mobil telefoniga telegram kanali orqali jo'natish orqali topshiriladi.

21. Bank mazkur Elektron oferta shartlariga Omonatchining huquq va qonuniy manfaatiga daxl qiladigan o'zgartirishlarni bir tomonlama kiritishga haqli emas.

22. Oferta omonatining qaytarilishi O'zbekiston Respublikasining "Fuqarolar-ning banklardagi omonatlarini himoyalash kafolatlari to'g'risida" qonuniga muvofiq kafolatlanadi.

23. Mazkur Elektron ofertada nazarda tutilmagan barcha holatlar uchun O'zbekiston Respublikasi qonun hujjatlari normalari qo'llaniladi.

24. Tomonlar barcha kelishmovchilik va nizolarni muzokara yo'li bilan hal etadi. Muzokara natijasida tomonlar o'zaro kelishuvga erisha olmagan taqdirda nizo O'zbekiston Respublikasi qonun hujjatlariga muvofiq sudga ko'rib chiqiladi.